

ÁKVÖRÐUN SAMEIGINLEGU EES-NEFNDARINNAR  
nr. 247/2014

2015/EES/61/03

frá 13. nóvember 2014

um breytingu á bókun 31 við EES-samninginn, um samvinnu á sérstökum sviðum  
utan marka fjórþætta frelsisins

SAMEIGINLEGA EES-NEFNDIN HEFUR TEKID NEÐANGREINDA ÁKVÖRÐUN

með vísan til samningsins um Evrópska efnahagssvæðið, er nefnist „EES-samningurinn“ í því sem hér fer á eftir, einkum ákvæða 86. og 98. gr.,

og að teknu tilliti til eftirfarandi:

- 1) Noregur hefur tekið þátt í og lagt fram fé til starfsemi sem leiðir af reglugerð Evrópuþingsins og ráðsins (EB) nr. 683/2008 <sup>(1)</sup> þar sem sú reglugerð hefur verið felld inn í bókun 31 við EES-samninginn.
- 2) Rétt er að auka samstarf aðila að EES-samningnum þannig að það taki til reglugerðar Evrópuþingsins og ráðsins (ESB) nr. 1285/2013 frá 11. desember 2013 um framkvæmd og nýtingu evrópskra leiðsögukerfa um gervihnött og niðurfellingu á reglugerð ráðsins (EB) nr. 876/2002 og reglugerð Evrópuþingsins og ráðsins (EB) nr. 683/2008 <sup>(2)</sup>.
- 3) Rétt er að þátttaka EFTA-rikkjanna í starfsemi sem leiðir af reglugerð (ESB) nr. 1285/2013 hefjist 1. janúar 2014, óháð því hvenær þessi ákvörðun verður samþykkt eða hvort tilkynnt er um það eftir 10. júlí 2014 að stjórnskipulegum skilyrðum vegna þessarar ákvörðunar, ef einhver eru, hafi verið fullnægt.
- 4) Aðilum sem hafa staðfestu í EFTA-rikkjunum skal vera heimilt að taka þátt í starfsemi sem hefst áður en þessi ákvörðun öðlast gildi. Kostnaðurinn sem stofnað er til vegna slíkrar starfsemi, sem hefst eftir 1. janúar 2014, getur talist styrkhæfur samkvæmt sömu skilyrðum og gilda um kostnað sem aðilar með staðfestu í aðildarríkjum ESB hafa stofnað til, að því tilskildu að þessi ákvörðun öðlist gildi áður en viðkomandi aðgerð lýkur.
- 5) Samstarfssamningur um leiðsögu um gervihnött milli Evrópusambandsins og aðildarríkja þess og Konungsríkisins Noregs <sup>(3)</sup>, sem var undirritaður 22. september 2010, gildir til bráðabirgða frá og með 1. maí 2011.
- 6) Af þessum sökum ber að breyta bókun 31 við EES-samninginn til þess að aukið samstarf geti hafist frá 1. janúar 2014 að telja. Sökum efnahagslegra örðugleika skal þátttöku Íslendinga í áætluninni þó frestað um skeið.

ÁKVÖRÐUNIN ER SVOHLJÓÐANDI:

1. gr.

Eftirfarandi bætist við á eftir málsgrein 8a í 1. gr. bókunar 31 við EES-samninginn:

- „8aa. a) EFTA-ríkin skulu, frá og með 1. janúar 2014, taka þátt í starfsemi sem kann að leiða af eftirfarandi Sambandsgerð:
- **32013 R 1285:** Reglugerð Evrópuþingsins og ráðsins (ESB) nr. 1285/2013 frá 11. desember 2013 um framkvæmd og nýtingu evrópskra leiðsögukerfa um gervihnött og niðurfellingu á reglugerð ráðsins (EB) nr. 876/2002 og reglugerð Evrópuþingsins og ráðsins (EB) nr. 683/2008 (Stjttíð. ESB L 347, 20.12.2013, bls. 1).
- b) EFTA-ríkin skulu leggja fram fé til þeirrar starfsemi sem um getur í a-lið í samræmi við stafl. a) í 1. mgr. 82. gr. EES-samningsins og bókun 32 við EES-samninginn.

<sup>(1)</sup> Stjttíð. ESB L 196, 24.7.2008, bls. 1.

<sup>(2)</sup> Stjttíð. ESB L 347, 20.12.2013, bls. 1.

<sup>(3)</sup> Stjttíð. ESB L 283, 29.10.2010, bls. 12.

- c) Kostnaður við að víkka landfræðilega útbreiðslu EGNOS-kerfisins og láta hana ná til yfirráðasvæða þeirra EFTA-ríkja sem taka þátt í áætluninni skal borinn af EFTA-ríkjunum sem hluti af fjárframlögum til starfseminnar sem um getur í a-lið. Slík útvíkkun er með fyrirvara um tæknilega hagkvæmni og hún ætti ekki að tefja útvíkkun landfræðilegrar útbreiðslu EGNOS-kerfisins til landsvæða aðildarríkjanna innan Evrópu.
- d) Stofnanir EFTA-ríkjanna, fyrirtæki, samtök og ríkisborgarar skulu njóta þeirra réttinda sem um getur í stafl. d) í 81. gr. samningsins þegar kemur að verkefnum.
- e) Heimilt er að telja kostnað vegna starfsemi, sem er hrint í framkvæmt eftir 1. janúar 2014, styrkhæfan frá og með upphafi aðgerðarinnar samkvæmt viðkomandi styrksamningi eða styrkákvörðun, að því tilskildu að ákvörðun sameiginlegu EES-nefndarinnar nr. 247/2014 frá 13. nóvember 2014 öðlist gildi áður en aðgerðinni lýkur.
- f) EFTA-ríkin skulu taka fullan þátt í starfi allra nefnda Sambandsins sem eru framkvæmdastjórn Evrópusambandsins til aðstoðar við stjórnun, mótun og framkvæmd starfseminnar sem um ræðir í a-lið, þó án atkvæðisréttar.  
  
Fjalla skal um þátttöku EFTA-ríkjanna í nefndum og sérfræðingahópum Sambandsins, sem eru framkvæmdastjórninni til aðstoðar, einkum við öryggisþætti starfseminnar sem um getur í a-lið, í starfsreglum þessara nefnda og hópa.
- g) Ákvæði þessarar málsgreinar taka ekki til Liechtensteins.
- h) Gildistöku þessarar málsgreinar skal frestað að því er Ísland varðar þar til sameiginlegu EES-nefndin ákveður annað.<sup>(\*)</sup>

2. gr.

Ákvörðun þessi öðlast gildi daginn eftir að síðasta tilkynning samkvæmt 1. mgr. 103. gr. EES-samningsins berst (\*).

Hún kemur til framkvæmda frá 1. janúar 2014 að telja.

3. gr.

Ákvörðun þessi skal birt í EES-deild *Stjórnartíðinda Evrópusambandsins* og EES-viðbæti við þau.

Gjört í Brussel 13. nóvember 2014.

Fyrir hönd sameiginlegu EES-nefndarinnar

**Kurt Jäger**

formaður.

(\*) Engin stjórnskipuleg skilyrði gefin til kynna.